



**Broj/Број:02 –50 –1-51-57/'06
Sarajevo/Сарајево, 13.4.2006.**

ZAPISNIK

**57. sjednice Doma naroda
Parlamentarne skupštine Bosne i Hercegovine,
13. aprila 2006.godine**

Sjednica je počela u 13,20 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 12 delegata.

Delegat: Goran Milojević, Hilmo Neimarlija i Đoko Pajić opravdali su izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Za 57. sjednicu Doma naroda usvojen je sljedeći izmjenjeni

DNEVNI RED

1. Odgovori na delegatska pitanja i delegatska pitanja;
2. Usvajanje Zapisnika 56. sjednice Doma naroda;
3. Davanje saglasnosti za ratifikaciju Ugovora o izmjenama i dopunama na Ugovor o razvojnem kreditu Projekta upravljanja čvrstim otpadom između Bosne i Hercegovine i međunarodne asocijacije za razvoj,
4. Davanje saglasnosti za ratifikaciju Ugovora između Bosne i Hercegovine i Republike Makedonije o pravnoj pomoći u građanskim i krivičnim stvarima,
5. Davanje saglasnosti za ratifikaciju Memoranduma o sporazumu između Vijeća ministara Bosne i Hercegovine i Vlade Republike Slovenije o proširenju donirane pomoći Bosni i Hercegovini u 2001. godini,
6. Davanje saglasnosti za ratifikaciju Ugovora o zajmu - Regionalni projekat željeznica između Bosne i Hercegovine i Evropske banke za obnovu i razvoj,
7. Davanje saglasnosti za ratifikaciju Protokola 14. uz Konvenciju o zaštiti ljudskih prava i osnovnih sloboda koji se odnose na dopunu sistema za kontrolu provođenja Konvencije,
8. Zahtjev Vijeća ministara za razmatranje Prijedloga zakona o usvajanju Zakona o izmjenama i dopunama Zakona o policijskim službenicima BiH po hitnom postupku, u skladu sa članom 100. Poslovnika Doma naroda;
9. Zahtjev za razmatranje Prijedloga zakona o klasifikaciji djelatnosti u Bosni i Hercegovini po hitnom postupku u skladu sa članom 99. Poslovnika Doma naroda,
10. Prijedlog zakona o verifikaciji i izmirenju obaveza po osnovu računa stare devizne štednje, prvo čitanje,
11. Prijedlog odluke o osnivanju Vijeća nacionalnih manjina u Bosni i Hercegovini,
12. Imenovanje članova u Komisiju za izbor glavnog revizora i zamjenika glavnog revizora.

Ad-1. Odgovori na delegatska pitanja i delegatska pitanja

Odgovora na delegatska pitanja nije bilo.

Delegat Tomislav Limov postavio je sljedeća pitanja Vijeću ministara BiH:

1. Kada će Bosna i Hercegovina ratifikovati Socijalnu povelju Vijeća Evrope?
2. Ko u svojoj ladici već više od dvije godine drži skrivenu odluku o ratifikaciji Socijalne povelje Vijeća Evrope čiji je prijedlog utvrdilo i Kabinetu predsjedavajućeg Vijeća ministara BiH dostavilo Ministarstvo za ljudska prava i izbjeglice BiH?

Ad-2. Usvajanje Zapisnika 56. sjednice Doma naroda

Zapisnik 56. sjednice Doma naroda usvojen je jednoglasno.

Ad-3. Davanje saglasnosti za ratifikaciju Ugovora o izmjenama i dopunama na Ugovor o razvojnom kreditu Projekta upravljanja čvrstim otpadom između Bosne i Hercegovine i međunarodne asocijacije za razvoj

U raspravi o ovoj tački dnevnog reda učestvovao je predstavnik Ministarstva vanjskih poslova Zoran Perković.

Dom naroda jednoglasno je dao saglasnost za ratifikaciju Ugovora o izmjenama i dopunama na Ugovor o razvojnom kreditu Projekta upravljanja čvrstim otpadom između Bosne i Hercegovine i međunarodne asocijacije za razvoj,

Ad-4. Davanje saglasnosti za ratifikaciju Ugovora između Bosne i Hercegovine i Republike Makedonije o pravnoj pomoći u građanskim i krivičnim stvarima

U raspravi o ovoj tački dnevnog reda učestvovao je Hasan Čengiđ.

Dom naroda jednoglasno je dao saglasnost za ratifikaciju Ugovora između Bosne i Hercegovine i Republike Makedonije o pravnoj pomoći u građanskim i krivičnim stvarima sa sljedećim zaključkom:

“Traži se od Vijeća ministara da u što kraćem roku postavi lice odgovorno za praćenje međunarodnih sporazuma i međunarodnih ugovora koji se dostavljaju Parlamentarnoj skupštini Bosne i Hercegovine na ratifikaciju”

Ad-5. Davanje saglasnosti za ratifikaciju Memoranduma o sporazumu između Vijeća ministara BiH i Vlade Republike Slovenije o proširenju donirane pomoći Bosni i Hercegovini u 2001. godini

U raspravi o ovoj tački dnevnog reda učestvovao je Hasan Čengiđ.

Dom naroda jednoglasno je dao saglasnost za ratifikaciju Memoranduma o sporazumu između Vijeća ministara Bosne i Hercegovine i Vlade Republike Slovenije o proširenju donirane pomoći Bosni i Hercegovini u 2001. godini

Ad-6. Davanje saglasnosti za ratifikaciju Ugovora o zajmu - Regionalni projekat željeznica između Bosne i Hercegovine i Evropske banke za obnovu i razvoj.

U raspravi o ovoj tački dnevnog reda učestvovali su: Hasan Čengić, Halid Genjac, Velimir Jukić, Zoran Perković, Osman Brka i Mustafa Pamuk

Dom naroda većinom glasova je dao saglasnost za ratifikaciju Ugovora o zajmu - Regionalni projekat željeznica između Bosne i Hercegovine i Evropske banke za obnovu i razvoj

Ad-7. Davanje saglasnosti za ratifikaciju Protokola 14. uz Konvenciju o zaštiti ljudskih prava i osnovnih sloboda koji se odnose na dopunu sistema za kontrolu provođenja Konvencije.

U raspravi o ovoj tački dnevnog reda učestvovali su: Ilija Filipović i Hasan Čengić.

Delegat Ilija Filipović stavio je primjedbu što je ova tačka razmatrana samo na Komisiji za vanjsku i trgovinsku politiku Doma naroda a ne i na Ustavno-pravnoj komisiji Doma naroda u čijoj je to takođe nadležnosti.

Dom naroda većinom glasova je dao saglasnost za ratifikaciju Protokola 14. uz Konvenciju o zaštiti ljudskih prava i osnovnih sloboda koji se odnose na dopunu sistema za kontrolu provođenja Konvencije.

Ad-8. Zahtjev Vijeća ministara za razmatranje Prijedloga zakona o usvajanju Zakona o izmjenama i dopunama Zakona o policijskim službenicima BiH po hitnom postupku, u skladu sa članom 100. Poslovnika Doma naroda.

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara za razmatranje Prijedloga zakona o usvajanju Zakona o izmjenama i dopunama Zakona o policijskim službenicima BiH po hitnom postupku, u skladu sa članom 100. Poslovnika Doma naroda, nakon čega je Zakon jednoglasno usvojen.

Ad-9. Zahtjev za razmatranje Prijedloga zakona o klasifikaciji djelatnosti u Bosni i Hercegovini po hitnom postupku u skladu sa članom 99. Poslovnika Doma naroda.

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o klasifikaciji djelatnosti u Bosni i Hercegovini po hitnom postupku, u skladu sa članom 99. Poslovnika Doma naroda

Ad-10. Prijedlog zakona o verifikaciji i izmirenju obaveza po osnovu računa stare devizne štednje, prvo čitanje.

U raspravi o ovoj tački dnevnog reda učestvovali su: predstavnik predlagača Ljerka Marić, Hasan Čengić, Velimir Jukić, Osman Brka, Tomislav Limov, Halid Genjac, Ilija Filipović i Anan Terzić, predsjedavajući Vijeća ministara BiH.

Dom naroda je većinom glasova u oba čitanja usvojio Prijedlog zakona o verifikaciji i izmirenju obaveza po osnovu računa stare devizne štednje u identičnom tekstu kao i na Predstavničkom domu sa sljedećim zaključkom:

Traži se od Vijeća ministara BiH da u saradnji sa entitetskim vladama u roku od 90 dana pripremi izmjene i dopune Zakona o izmirenju obaveza po osnovu računa stare devizne štednje, u kojima će se, umjesto prihoda od PDV-a, naći drugi izvori finansiranja obaveza proisteklih iz Zakona, te da se izmjenama i dopunama Zakona predvidi kraći rok za izvršavanje ovih obaveza prema deviznim štedišama.

Ad-11. Prijedlog odluke o osnivanju Vijeća nacionalnih manjina u Bosni i Hercegovini.

U raspravi o ovoj tački dnevnog reda učestvovao je Ilija Filipović..

Dom naroda jednoglasno je usvojio Prijedlog odluke o osnivanju Vijeća nacionalnih manjina u Bosni i Hercegovini

Ad-12. Imenovanje članova u Komisiju za izbor glavnog revizora i zamjenika glavnog revizora.

Rasprava o ovoj tački dnevnog reda nije vođena

Dom naroda imenovao je Halida Genjca, Branka Zrna i Ružu Stojanović za članove Komisije za izbor glavnog revizora i zamjenika glavnog revizora.

Sjednica je završena u 19,35 sati.

Sastavni dio ovog zapisnika je neautorizirani transkript 56. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Mustafa Pamuk